

МОЛѢБНОЕ ПѢНИЕ

О СТРАЖДУЩИХ НЕДУГОМ ВИНОПІТІЯ ИЛИ НАРКОМАНИИ

С АКАФИСТОМ

ПЕРЕД ИКОНОЙ БОЖИЕЙ МАТЕРИ "НЕУПИВАЕМАЯ ЧАША"

Диáкон: Благослові, владѣико.

Иерей: Благословѣн Бог наш, всегда, ныне и присно и во веки веков.

Чтец: Амѣнь. Слава Тебѣ, Бóже наш, слава Тебѣ.

Царю Небесный, Утѣшителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятóе. Пресвятáя Трóице... **Ó**тче наш...

Иерей: Яко Твое есть Цáрство и сила и слава Отца и Сына и Святаго Духа, ныне и присно и во веки веков.

Чтец: Амѣнь. Гóсподи, помѣлуй *(12 раз)*

Приидите, поклонимся Цареву нашему Бóгу.

Приидите, поклонимся и припадём Христу, Цареву нашему Бóгу.

Приидите, поклонимся и припадём Самому Христу, Цареву и Бóгу нашему.

Псалóм 26:

Чтец: Господь просвещение мое и Спаситель мой, кого убоюсь? Господь Защититель живота моего, от кого устрашуся? Внегда приближатся на мя злобующим, еже снести плоти моя, оскорбляющи мя, и врази мой, тии изнемогаша и падоша. Аще ополчится на мя полк, не убойтся сердце мое, аще востанет на мя брань, на Него аз уповаю. Едино просих от Господа, то взыщу: еже жити ми в дому Господни вся дни живота моего, зрети ми красоту Господню, и посещати храм святый Его. Яко скры мя в селении Своём, в день зол моих, покры мя в тайне селения Своего, на камень вознесё мя. И ныне се вознесё главу мою, на враги моя: обыдох, и пожрох в селении Его жертву хваления и воскликновения, пою и воспою Господеви. Услыши, Господи, глас мой, имже воззвах: помѣлуй мя, и услыши мя. Тебѣ рече сердце мое: Господа взыщу. Взыска Тебѣ лице мое, лица Твоего, Господи, взыщу. Не отврати лица Твоего от мене, и не уклонися гневом от раба Твоего: помощник мой буди, не отри ни мене, и не остави мене, Бóже Спасителю мой. Яко отец мой и матери моя остависта мя, Господь же восприят мя. Законоположи ми, Господи, в пути

Твоѣм, и настáви мя на стезю правую враг моих ради. Не предаждь менѣ в дýшы стужающих ми, яко востáша на мя свидѣтеле неправеднии, и солгá неправда себѣ. Вѣрую видети благая Господня на земли живых. Потерпи Господа, мужайся, и да крепится сердце твоѣ, и потерпи Господа.

Слáва Отцú и Сýну и Святому Дýху и ныне и присно и во вѣки веков. Амíнь.

Аллилу́ия, аллилуия, аллилуия, слава Тебе, Боже. (Трижды)

ВЕЛÍКАЯ ЕКТЕНÍЯ:

Диáкон: Мíром Господу помóлимся.

Хор: Гóсподи, помíлуй.

Диáкон: О Свѣшнем мíре и спасѣнии душ наших, Господу помóлимся.

О мíре всего мíра, благостоянии Святых Божиих Церквѣй и соединѣнии всех, Господу помóлимся.

О святѣм храмѣ сем и с вѣрою, благоговѣнием и страхом Божиим входящих во нь, Господу помóлимся.

О великом Господíне и Отцѣ нашем Святѣйшем Патриáрхе **Кирилле**, и о Господíне нашем, Высокопреосвященнейшем митрополíte (**или:** архиепíскопе, **или:** преосвященнейшем епíскопе **имярек**), честнем пресвítерстве, во Христѣ диáконстве, о всем причте и людех, Господу помóлимся.

О Богохранímей странѣ нашей, властѣх и воинстве ея, Господу помóлимся.

О граде сем (**или** о вѣси сей), всяком граде, странѣ и вѣрою живущих в них, Господу помóлимся.

О благорастворѣнии воздýхов, о избылiи плодóв земных и временех мирных, Господу помóлимся.

О плавающих, путешествующих, недугующих, страждущих, плененных и о спасѣнии их. Господу помóлимся.

О еже призрѣти мíлостивно на рабóв Своих **имярек**, страждущих душѣю и тѣлом, и разрешíти их от уз смертоносных страсти, Господу помóлимся.

О еже избáвити от пагубных страсти винопития (или: наркомании) и соблюсти спасительным страхом в чистотѣ, воздержании и правде дýши страждущих рабóв Своих **имярек**, Господу помóлимся.

О еже посетíти рабóв Своих **имярек** благодатию Святаго Дýха, и избáвити их от грехá сегó, в них гнездящагося, Господу помóлимся.

О еже низпослáти рабóм Своим **имярек** дýха премýдрости и рáзума и всадíти в сердца их страх божественный, Господу помóлимся.

О еже подáти им силу препобедíти пагубную страсть и припáсти к Бóгу в покаянии, да причáстницы благ вѣчных бýдут, Господу помóлимся.

О срóдницех их и знаемых, плачущих и болѣзнующих, чающих Христóва утешѣния, и о еже прияти молíтвы их и воздыхания, Господу помóлимся.

О избáвитися íмже и нам от всякия скóрби, гнѣва и нýжды, Господу помóлимся.

Заступí, спасí, помíлуй и сохрани нас, Бóже, Твоѣю благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко милостив и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Бог Господь, Глас 4:

Диакон: Бог Господь, и явися нам, благословен Грядый во Имя Господне.

Стих 1: Исповедаетесь Господеви, яко благ, яко в век милость Его.

Хор: Бог Господь, и явися нам, благословен Грядый во Имя Господне.

(И далее на каждый стих)

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повею дела Господня.

Стих 4: Камень, Егже небрегоша зидущии, Сей бысть во главу угла, от Господа бысть Сей, и есть дивен во очесех наших.

Тропарь, Глас 4:

Хор: Скорый в заступлении един сый, Христе, / скорое свыше покажи посещение страждущим рабам Твоим, / избави их от недуг и страстей, / приведи их ко спасительному воздержанию, / и воздвигни к жизни вечной в любви к Тебе, / во еже пети Тя и славити непрестанно, // молитвами Богородицы, едине Человеколюбче.

Слава Отцу и Сыну и Святому Духу и ныне и присно и во веки веков. Аминь.

Тропарь перед иконой Божией Матери «Неупиваемая Чаша», Глас 4:

Днесь притецем, вернии, / к божественному и пречудному образу Пресвятыя Богоматере, / напаяющия верных сердца / небесною Неупиваемою Чашею Своего милосердия, / и людем верным чудеса показующия, / яже мы видяще и слышаще, духовно празднуем и тепле вопием: / Владычице Премилостивая, / исцели наша недуги и страсти, / молящи Сына Твоего, / Христа Бога нашего, // спасти души наша.

Кондак 1

Изрядное и дѣвное вспоможеніе нам даровася,/ образ Твой честный, Богородице Дѣво,/ яко избавльшеся явлѣнием егѡ/ недугов душевных и телесных и скорбных обстояній,/ благодарныя хвалы приносим Ти, всемилостивая Заступнице./ Ты же, Госпоже, приклонися благоутробно/ к нашим воздыханіем и воплем сердечным,/ и исцелѣние подаждь страждущим, да с верою воззовѣм Ти:// **Р**адуйся, Владычице, Неупиваемая Чаше, духовную жажду нашу утоляющая.

Икос 1

Ангельстии чїни и праведников сонми непрестанно славят Тя, Царїцу Богородицу, Ходатаицу о родѣ человечестем, в беззаконїих погруженнем и во гресѣх пребывающем, даруеши бо нам во утешѣние и спасѣние милость Свою чрез чудотворныя иконы Твоя, ихже, яко звѣзды небесныя, по всей землї нашей зрим. Ко единому же от сих образов, Неупиваемая Чаша именуемому, припадающе, из глубины сердца взываем Ти:

Радуйся, неприступнаго Божества селѣние;

радуйся, непрестанное челоуѣков удивлѣние.

Радуйся, скорбьми грехї наша очищающая;

радуйся, печальми наша немощи врачующая.

Радуйся, милость Свою нам свѣше посылающая;

радуйся, скорбная сердца наша веселящая.

Радуйся, пречудное всех с Богом примирѣние;

радуйся, муки вѣчныя известное избавлѣние.

Радуйся, Владычице, Неупиваемая Чаше, духовную жажду нашу утоляющая.

Кондак 2

Видящи, Пречистая Владычице, скорби сердечныя, муки душевныя, покаяние искреннее человеков, губительным пороком пьянства одержимых, благоволила еси даровати богоспасаемому граду Серпухову милость Твою явлением пречуднаго образа Твоего, да вси, с верою и сокрушенным сердцем к нему припадающии и исцеление от тяжкаго недуга своего обретающии, усердно вопиют Богу: **А**ллилуия.

Икос 2

Разумев трикратное явление преподобнаго Варлаама и повеление от него во град Серпухов шествовати, человек некий, страстию пьянства одержимый, обрете тамо в монастыре икону Твою святую, Неупиваемая Чаша именуемую. Мы же, видяще таковое о нас, грешных, попечение, со благоговением воспеваем Ти таковая:

Радуйся, славу чудес Твоих грешным открывающая;

радуйся, Путеводительнице, путь благий им являющая.

Радуйся, ко спасению нас привлекающая;

радуйся, благодарению нас научающая.

Радуйся, скорби наша в радость претворение;

радуйся, несумненною надеждою возвеселение.

Радуйся, губительныя страсти потребляющая;

радуйся, благим намерением пособствующая.

Радуйся, Владычице, Неупиваемая Чаше, духовную жажду нашу утоляющая.

Кондак 3

Сила Вышняго благодатию Владычицы укрепи некоего человека, недугом пьянства страждущаго, егда той, разслаблене имый нозе, потщася града Серпухова достигнути, повеление Богородицы, чрез преподобнаго Варлаама реченное, исполняя. Обрет же во граде сем икону Пречистыя Богоматере, абие исцелѣ от недуга своего, душевнаго и телснаго, и с трепетом воззва Богу: Аллилуия.

Икос 3

Имуще источник неоскудеваемый, неупиваемую чашу небесных дарований, не токмо людие града Серпухова, но и вси православнии христиане от иных градов и весей, к Твоему пречудному образу притекающе и пред сим исцеления обретающе, благодарными усты вопиют Ти сие:

Радуйся, Еюже скорби наша потребляются;

радуйся, Еюже радость спасения изливается.

Радуйся, немощи душевныя и телсныя врачующая;

радуйся, страсти молитвами Твоими укрощающая.

Радуйся, коемуждо просящему полезная дарующая;

радуйся, безчисленныя щедроты всем подающая.

Радуйся, милости сокровище нам отверзающая;

радуйся, милосердие к падшим являющая.

Радуйся, Владычице, Неупиваемая Чаше, духовную жажду нашу утоляющая.

Кондак 4

Бурю внутрь имуще помышлений сумнительных, обаче с покаянием искренним к Твоему неизреченному милосердию притекающе, пьянственную страстию одержими исцеление получают, и от всея души зовут рожденному от Тебе Спасителю нашему: **А**ллилуия.

Икос 4

Слыша Господь тяжкия скорби, вопли и плач жен, старец, детей, ихже сродницы обуреваемы суть пьянственную страстию или безумием наркотическим одержими, дарова им, Пренепорочная, Твою икону, от неяже вси просящии утешение и радость духовную обретают, и вопиют Ти со слезами такова:

Радуйся, Агнице, Агнца рождающая, грехи мира вземлющая;

радуйся, Чаше, от Источника бессмертия черплющая.

Радуйся, матерей скорбных укрепление;

радуйся, ненадежных благое надеяние.

Радуйся, притекающих к Тебе благодатное охранение;

радуйся, скорбящих отрадо и утешение.

Радуйся, волнение страстей в нас усмиряющая;

радуйся, руку помощи требующим простирająca.

Радуйся, Владычице, Неупиваемая Чаше, духовную жажду нашу утоляющая.

Кондак 5

Боготѣчную звезду, честную икону Твою, показала еси нам, Владычице мира, юже зряще и с верою сердечною молящися Тебе, Богородице, глаголем: пьянством и иными недуги душевными или телесными страждущия исцели, верныя же научи воспевати хвалу Богу: **А**ллилуия.

Икос 5

Видяще чудеса преславная и знамения пречудная, не токмо от иконы Твоея, Богомати, во граде Серпухове явленныя, бываемая, но и от яже по подобию сея иконы изображений, припадающе к ним, смиренно глаголем Ти:

Радуйся, притекающих к Тебе скорая Предстательнице;

радуйся, молений наших благосердная Услышательнице.

Радуйся, град Серпухов благословением Твоим осенившая;

радуйся, в пределах московских славу чудес Твоих явившая.

Радуйся, сокровище исцелений неоскудеваемое;

радуйся, воздержником всемогущая Покровительнице.

Радуйся, противу мира и диавола подвизающимся Спешнице;

радуйся, в мире благочестно живущих усердная Заступнице.

Радуйся, Владычице, Неупиваемая Чаше, духовную жажду нашу утоляющая.

Кондак 6

Проповѣдующе чудеса Твоя, Богородительнице, молим Тя, Пречистая, со слезами: избави всех нас от пагубнаго к винопитию пристрастия и от падений греховных, подвижаящи воспевати Божии: **Аллилуия**.

Икос 6

Возсия светлость Божественная славы от иконы Твоея, Дѣво Богоотроковице, идеже Господь наш Иисус Христос яко Младенец зрится, образ Таин Своих Пречистых нам являяй, и от страстей мерзких с верою притекающим избавление дарует. Мы же Тебе, Пречистой Его Матери, вину о нас Сына Своего умоляющей, гласы немолчныя принесим сицевыя:

Радуйся, яко о Тебе радуется ангельский собор;

радуйся, яко о Тебе торжествует человеческий род:

Радуйся, похвалы небесныя и земныя славою превосходящая;

радуйся, рождѣннаго Тобою Агнца нам дивно показующая.

Радуйся, ко вратом жизни вечныя приводящая;

радуйся, от источника нетления жаждущия напаяющая.

Радуйся, от падений греховных возставляющая;

радуйся, неиссякаемою благодатию никогже оставляющая.

Радуйся, Владычице, Неупиваемая Чаше, духовную жажду нашу утоляющая.

Кондак 7

Хотя человек некий возблагодарити Тя, Владычице, исцеления ради от недуга пьянственного, украси Твою, Богомати, пречудную икону, во граде Серпухове пребывающую, со благодарением воспевая Богу: **А**ллилуия.

Икос 7

Дивная чудеса видим, Пречистая, от иконы Твоея святыя: страстию пьянства страждущи, к Твоему матернему предстательству прибегаяще, от тяжкаго недуга своего избавляются, и хвалу Тебе приносяще, зовут таковая:

Радуйся, живоносный Источниче исцелений;

радуйся, Купеле Небесная Божественных дарований.

Радуйся, реко исцелений приснотекущая;

радуйся, море, страсти наша потопляющее.

Радуйся, во грехи впавшим надежду подающая;

радуйся, матерними руками Твоима тех возставляющая.

Радуйся, сердца благочестивых возвеселяющая;

радуйся, вся благая прошения наша исполняющая.

Радуйся, Владычице, Неупиваемая Чаше, духовную жажду нашу утоляющая.

Кондак 8

Странно и сумнительно неверующим слышати, како икона Твоя святая Божественных исцелений источает струи. Мы же, оной благоговейно поклоняющесе, лобызаем ю, вопиюще Богу: **Аллилуия**.

Икос 8

Все упование страждущии недугом пьянства на Тя, Дѣво Чистая, возлагают: приклонися к немощем нашим, уврачуй страсти. Кто бо нас грешных изведет из рова погѣбели, аще не Ты, Владычице? Сего ради, колѣна пред Твоим честным образом преклоньше, воспеваем Ти тако:

Радуйся, молѣния грешников не отвергающая;

радуйся, призывающим Тя небесную помощь ниспосылающая.

Радуйся, глубинѹ милосердия Твоего грешным показующая;

радуйся, отчаянных и безнадежных ободряющая.

Радуйся, одержимым страстию пьянства поможѣние;

радуйся, терпеливых страдальцев благодатное утѣшение.

Радуйся, недугов наших благая Целительнице.

радуйся, от суеты мирския наша Охранительнице.

Радуйся, Владычице, Неупиваемая Чаше, духовную жажду нашу утоляющая.

Кондак 9

Всякое естество ангельское удивися делу Твоего милосердия, Господи, яко даровал еси грешному роду человеческому твердую Заступницу и Помощницу, к нашим немощем приклоняющуюся и от горькаго недуга пьянства свободяющую, верныя же научающую пѣти Тебѣ: **А**ллилу́ия.

Икос 9

Ветии многовещаннии недоумеют восхвалити по достоянию дивное, Богомати, иконы Твоея явление, ниже мы, грешнии, от скверных устен наших возможем прославити Заступницу нашу, якоже подобает. Обаче, душею и сердцем радуящися, Тебѣ глаголем:

Радуйся, яко лик Твой священный являет чудеса;

радуйся, яко скорое еси посрамление отвергающих Тя.

Радуйся, от бед и скорбей присное ограждение;

радуйся, прибегающих к Тебѣ от зла сохранение.

Радуйся, кратким сиянием Твоим мглу страстей разгоняющая;

радуйся, души наша любовью к Тебѣ и Сыну Твоему исполняющая.

Радуйся, ко стезям покаяния премудрая Наставнице;

радуйся, добраго нам отвѣта пред Судиею Праведным Ходатаице.

Радуйся, Владычице, Неупиваемая Чаше, духовную жажду нашу утоляющая.

Кондак 10

Спасти хотящи многия, чудную икону Твою, Приснодево, пьянством недугующим даровала еси, да вси одержимии сею страстию к чудотворному образу Твоему притекают и, исцеление получивше, во умилении взывают Богу: **Аллилуия**.

Икос 10

Стена еси и щит, Богомати, пьянства недугом страждущим, и всем усердно к Тебе притекающим и икону Твою святую благоговейно чтущим, сию бо нам дарова благих Податель Господь в помощь и цельбу от губительных страсти, и тем наказует нам пети Тебе таковая:

Радуйся, врачеваний ложных грозное испровержение;

радуйся, благодати Врача Истинного к нам привлечение.

Радуйся, Твоею чистотою нашу скверну очищающая;

радуйся, Твоею благодатию наше недостойнство просвещающая.

Радуйся, естество наше тленное в нетление облекающая;

радуйся, моления наша Твоим предстательством укрепляющая.

Радуйся, от неможения нашего нас восставляющая;

радуйся, объемший нас облак страстей разгоняющая.

Радуйся, Владычице, Неупиваемая Чаше, духовную жажду нашу утоляющая.

Конда́к 11

Пѣние наше смиренное, от любви и усердия Тебѣ приносимое, не презри, Чистая, и не отврати́ ли́ка Твоего́ от страждущих недугом пьянства и отчаявшихся, но помози́ им и нам очисти́тися от всякия скверны греховныя, да возмо́жем досто́йно и пра́ведно пѣти Бо́гу: **Аллилу́ия.**

И́кос 11

Светопріемную свещу́ зрим Тя, Пресвятая́ Дѣво, Твой бо образ святы́й лучами благодати Твоея́ мглу греховную прогоняет и на свѣтлую стезю́ добродѣтелей наставляет с вѣрою зовущих Ти такова́я:

Радуйся, от суеты́ міра сегó многомятежнаго нас изыма́ющая;

радуйся, приражѣния страстей́ плотскихъ отражати нам помога́ющая.

Радуйся, мысль бла́гу в сердце́ наше полага́ющая;

радуйся, омраченную совесть́ нашу просвещáющая.

Радуйся, мучительными неду́ги страждущих избавля́ющая;

радуйся, ко искреннему́ покая́нию и исправлѣнію призывáющая.

Радуйся, души́ всех озлобленныхъ укрепля́ющая;

радуйся, імя́ Твое́ сла́вящихъ спаса́ющая.

Радуйся, Влады́чице, Неупиваемая Чáше, духовную́ жажду́ нашу утоля́ющая.

Кондак 12

Благодать Божия, предстательством Твоим, о Богомати, подаётся всем скорбящим, обездоленным, вдовам и старикам, наипаче же пьянственным недугом страждущим, и не тщи отходят сии, Пречистая, от неупиваемая чаши Божественных дарований Твоих, но неоскудно цельбы получающе, Всеблагая, благодарственно вопиют Богу: **Аллилуия.**

Икос 12

Поюще Твоя чудеса и велию милость, страстию пьянства одержимым явленную, молим Тя, Владычице, спаси и помилуй, и настави на стезю праву, и не остави нас, покрова Твоего ищущих и зовущих Ти:

Радуйся, росу милости Твоея нам низводящая;

радуйся, от пристрастия к хмельному питию свободящая.

Радуйся, от пьянственных страсти врачевание;

радуйся, в расслаблении сущим крепкое поможение.

Радуйся, гордыя смиряющая;

радуйся, смиренных возвышающая.

Радуйся, малодушных дивное ободрение;

радуйся, благодушных велия радости.

Радуйся, Владычице, Неупиваемая Чаше, духовную жажду нашу утоляющая.

Кондак 13

О Премилостивая Мати Сладчайшаго Господа нашего Иисуса Христа! Нынешнее наше услыши моление и избави нас от всех недугов душевных и телесных, наипаче же исцели пьянством страждущия, да не во зле погибнут, но да спасеннии Тобою присно вопиют Богу: **Аллилуия.**

(Сей кондак глаголи трижды)

Икос 1

Ангельстии чїни и праведников сонми непрестанно славят Тя, Царїцу Богородицу, Ходатаицу о роде человечестем, в беззаконїих погруженем и во гресех пребывающем, даруеши бо нам во утешение и спасение мїлость Свою чрез чудотворныя иконы Твоя, ихже, яко звѣзды небесныя, по всей землї нашей зрим. Ко единому же от сих образов, Неупиваемая Чаша именуемому, припадающе, из глубинї сѣрдца взываем Ти:

Радуйся, неприступнаго Божества селение;

радуйся, непрестанное человекѡв удивление.

Радуйся, скорбьми грехї наша очищающая;

радуйся, печальми наша немощи врачующая.

Радуйся, мїлость Свою нам свѣше посылающая;

радуйся, скорбная сѣрдца наша веселящая.

Радуйся, пречудное всех с Богом примирение;

радуйся, мѹки вѣчныя известное избавление.

Радуйся, Владычице, Неупиваемая Чаше, духовную жажду нашу утоляющая.

Кондак 1

Изрядное и дивное вспоможение нам даровася,/ образ Твой честный, Богородице Дѣво,/ яко избавльшеся явлением его/ недугов душевных и телесных и скорбных обстояний,/ благодарныя хвалы приносим Ти, всемїлостивая Заступнице./ Ты же, Госпоже, приклонїся благоутробно/ к нашим воздыханїем и воплем сѣрдечным,/ и исцеление подаждь страждущим, да с верою воззовем Ти:// **Р**адуйся, Владычице, Неупиваемая Чаше, духовную жажду нашу утоляющая.

Диакон: Вѣнчнем. Премудрость. Вѣнчнем.

Чтец: **Прокимен, глас четвертый:** Тамо бо рука Твоя наставит мя, и удержит мя десница Твоя.

Хор: Тамо бо рука Твоя наставит мя, и удержит мя десница Твоя.

Чтец: Яко Ты создал еси утробы моя, воспринял мя еси из чрева матери моея.

Хор: Тамо бо рука Твоя наставит мя, и удержит мя десница Твоя.

Чтец: Тамо бо рука Твоя наставит мя,

Хор: И удержит мя десница Твоя.

Диакон: Господу помолимся.

Хор: Господи, помилуй.

Иерей: Яко свят еси, Боже наш, и во святых почиваеши, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Всякое дыхание да хвалит Господа.

Хор: Всякое дыхание да хвалит Господа.

Диакон: Хвалите Бога во святых Его, хвалите Его в утверждении силы Его.

Хор: Всякое дыхание да хвалит Господа.

Диакон: Всякое дыхание.

Хор: Да хвалит Господа.

Диакон: И о сподобитися нам слышанию святого Евангелия Господа Бога молим.

Хор: Господи, помилуй. *(Трижды)*

Диакон: Премудрость, прости, услышим Святого Евангелия.

Иерей: Мир всем.

Хор: И духови твоему.

Иерей: От Луки Святого Евангелия чтение.

Хор: Слава, Тебе, Господи, слава Тебе.

Диакон: Вѣнчнем.

Иерей: Во время оно, пришедшу Иисусу во страну Гадаринску, яже есть об он пол Галилеи. Изшедшу же Ему на землю, срете Его муж некий от града, иже имяше бесы от лет многих, и в ризу не облачашеся, и во храме не живяше, но во гробех. Узрев же Иисуса, и возопив, припадэ к Нему, и гласом велиим рече: что мне и Тебе, Ии-

сусе Сыне Бога Вышняго; молюся Ти, не мучи мене. Повеле бо духови нечистому изыти от человека: от многих бо лет восхищаше его: и вязаху его узы железны и пугы, стрегуще его: и ратерзая узы, гонимь бываше бесом сквозе пустыни. Вопроси его Иисус, глаголя: что ти есть имя? Он же рече: легеон: яко беси мнози внидоша воны. И моляху Его, да не повелит им в бездну ити. Бе же ту стадо свиней много пасомо в горе: и моляху Его, да повелит им в ты внити, и повеле им. Изшедше же беси от человека, внидоша во свиния: и устремися стадо по брегу в езеро, и истопе. Видевше же пасущии бывшее, бежаша, и возвестиша во граде и в селех. Изыдоша же видети бывшее: и приидоша ко Иисусови, и обретоша человека сидяща, из негоже беси изыдоша, оболчена и смысляща, при ногу Иисусову: и убойшася. Возвестиша же им видевшии, како спасеся бесновавыйся. И моли Его весь народ страны Гадаринския отыти от них, яко страхом велиим одержими беху. Он же влез в корабль, возвратися. Моляшеся же Ему муж, из негоже изыдоша беси, дабы с Ним был. Отпусти же его Иисус, глаголя: возвратися в дом твой, и поведай, елика ти сотвори Бог. И иде по всему граду проповедавая, елика сотвори ему Иисус.

Хор: Слава, Тебе, Господи, слава Тебе.

ЕКТЕНИЯ СУГУБАЯ:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе **имярек**)*, и о всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Не хотяй смерти грешных, но еже обратитися и живым им быти, пощадй и помилуй рабов Твоих *(имярек)*, исцели болезни, уврачуй страсти душ и телес их, и, яко благосерд, прости им вся прегрешения вольная и невольная и скоро воздвигни их от путы погибели, молим Ти ся, услыши и помилуй.

Призри, Господи, милостивно на рабы Твоя *(имярек)*, порабощенныя пагубною страстию, даруй им познати сладость воздержания и произрастающих от него плодов духовных, молим Ти ся, услыши и помилуй.

О еже пощадити рабовъ Твоихъ (**умярек**), и простити им всякое прегрешение вольное и невольное, показати на них великую Твою милость, избавити от греховнаго пленения и насилия диавольскаго, молим Ти ся, услыши и помилуй.

О еже не умрети рабомъ Твоимъ (**умярек**) лютою смертию, но оживотворитися Кровию Твоею Честною и исцелитися от горести, еюже их сопротивник напои, молимся Тебѣ, Врачу душ и телес, услыши и милостивно помилуй.

Яко бесноватаго страны Гадаринския Божественною силою от насилия диавольскаго свободивый, исцели рабовъ Твоихъ (**умярек**), люте страждущих, молим Ти ся, услыши и помилуй.

Иерей: Услыши ны, Бóже, Спасителю наш, упование всех концевъ земли, и сущих в мóри далече, и милостив, милостив буди, Владыко, о гресехъ наших, и помилуй ны: Милостив бо и Человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки вековъ.

Хор: Аминь.

Диакон: Господу помолимся.

Хор: Господи, помилуй.

МОЛІТВА СПАСИТЕЛЮ:

Иерей: Владыко Господи, сотвори вый человека по образу Твоему и по подобию, и Духа Святаго тому дарова вый! Избави падшее создание Твое от работы вражия, отверзи ему двери покаяния, Ангела света послй ему, избавляюща от всякаго навета вражия. Услыши, Бóже, припадающих к Тебѣ в скорби и печали и не отврати лица Твоего от одержимых пагубною страстию винопития (**или:** наркомании), но даждь им крепость, надежду, веру, произволение благое утверди и приведи их ко спасительному воздержанию, попали терние согрешений вольных и невольных, да вселится в них благодать Твоя, просвещающая и очищающая всего человека. Исцели их от тяжкаго недуга пьянства (**или:** наркомании), свободи от омрачения духовнаго и окаменения сердечнаго. Даруй им здравие душевное и телесное, направи на путь трудолюбия и благочестия. Услыши, Милостивый Господи, вопль родителей и сродников, плачущих о чадах и ближних своих. Твое бо есть еже миловати и спасати

ны, Бóже наш, и Тебѣ славу возсылаем, Отцú, и Сýну, и Святому Дúху, ныне и прýсно, и во вѣки векóв.

Хор: Ами́нь.

Диакон: Ко Пресвятѣй Владычице Богородице со умилѣнием сердец, помóлимся.

Хор: Пресвятáя Богородице, спаси нас.

МОЛÍТВА БОГОРÓДИЦЕ, ПÉРЕД ИКОНОЙ "НЕУПИВАЕМАЯ ЧАША":

Иерей: О, Премилосердая Владычице! К Твоему заступлению ныне прибегаем, молений наших не презри, но милостивно услыши нас: жен, детей, матерей и тяжким недугом пьянства одержимых, и того ради от матери своей - Церкви Христовой и спасения отпадающих, братьев и сестер и сродник наших исцели. О, Милостивая Мати Божия, коснися сердец их и скоро возстави от падений греховных, ко спасительному воздержанию приведи их. Умоли Сына Своего, Христа Бога нашего, да простит нам согрешения наша и не отвратит милости Своей от людей Своих, но да укрепит нас в трезвении и целомудрии. Приими, Пресвятáя Богородице, молитвы матерей, о чадах своих слезы проливающих, жен, о мужех своих рыдающих, чад, сирых и убогих, заблуждшими оставленных, и всех нас, к иконе Твоей припадающих. И да придет сей вопль наш, молитвами Твоими, ко Престолу Всевышняго. Покрый и соблюди нас от лукаваго ловления и всех козней вражиих, в страшный же час исхода нашего помози пройти непреткновенно воздушныя мытарства, молитвами Твоими избави нас вѣчнаго осуждения, да покрýет нас милость Божия в нескончаемыя вѣки векóв.

Хор: Ами́нь.

ВЕЛИЧА́НИЕ:

Клирики: Велича́ем Тя, / Пресвятáя Дéво / Богоизбрáнная Отрокови́це / и чтим образ Твой святы́й, / ýмже то́чиши исцелéния // всем с вѣрою притекающим.

Совершается помазание освященным елеем.

ВЕЛИЧАНИЕ:

Хор: Величаем Тя,/ Пресвятая Дѣво/ Богоизбранная Отроковице/ и чтим образ Твой святый,/ ѡмже точиши исцелѣния// всем с вѣрою притекающим.

Диакон: Премудрость.

Иерей: Пресвятая Богородице, спаси нас.

Хор: Честнейшую Херувим/ и славнейшую без сравнения Серафим,/ без истлѣния Бѣга Слѣва рѣждшую,// сущую Богородицу Тя величаем.

Иерей: Слава Тебѣ, Христѣ Бѣже, Упованіе наше, слава Тебѣ.

Хор: Слава, и нынѣ. Гѣсподи, помилуй. *(Трижды)* Благослові.

ОТПУСТ:

(НА АМВѢНЕ ПРИ ЗАКРЫТЫХ ЦАРСКИХ ВРАТАХ)

Иерей: Христѣс ѡстинный Бог наш, молитвами Пречистыя Своея Матере, сілою Честнаго и Животворящаго Креста, молитвами святаго мученика Вонифатія, преподобныя Маріи Египетскія и всех святых, помилует и спасет нас, яко Благ и Человеколюбец.

Хор: Гѣсподи, помилуй. *(Трижды)*